



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 04-01-11-4-3312-4/25

Dana: 03.07.2025. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20), člana 70. Zakona o javnim nabavkama („Službeni glasnik Bosne i Hercegovine”, br. 39/14, 59/22 i 50/24) i preporuke Komisije za javne nabavke Ministarstva unutrašnjih poslova Kantona Sarajevo za 2024. godinu, imenovane Rješenjem broj: 05-1-30-1-517/25 od 22.01.2025. godine, u postupku nabavke usluga osiguranja (obavezno i kasko) motornih vozila Ministarstva unutrašnjih poslova Kantona Sarajevo, **d o n o s i:**

O D L U K U

o izboru ponuđača za nabavku usluga osiguranja (obavezno i kasko) motornih vozila Ministarstva unutrašnjih poslova Kantona Sarajevo

I

Na osnovu Odluke o pokretanju postupka nabavke broj: 04-1-11-4-3312/25 od 05.05.2025. godine i Obavještenja o nabavci broj: 1364-1-2-51-3-45/25 od 15.05.2025. godine, na portalu Agencije za javne nabavke objavljen je otvoreni postupak nabavke usluga osiguranja (obavezno i kasko) motornih vozila Ministarstva unutrašnjih poslova Kantona Sarajevo.

II

Prihvata se preporuka Komisije za javne nabavke imenovane gore navedenim rješenjem, te se shodno Zakonu o javnim nabavkama, primjenjujući kriterij "najniža cijena", u predmetnom postupku nabavke ugovor dodjeljuje ponuđaču Euroherc osiguranje d.d. Sarajevo u iznosu od 13.924,57 bez PDV-a, (trinaest hiljadadevetstotinadvaeset i 57/100 KM)

III

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

IV

Ova odluka stupa na snagu danom donošenja.

O b r a z l o ž e n j e

Na osnovu Odluke o pokretanju postupka nabavke broj: 04-1-11-4-3312/25 od 05.05.2025. godine i Obavještenja o nabavci broj: 1364-1-2-51-3-45/25 od 16.05.2025. godine na portalu Agencije za javne nabavke objavljen je otvoreni postupak nabavke usluga osiguranja (obavezno i kasko) motornih vozila Ministarstva unutrašnjih poslova Kantona Sarajevo .



U skladu sa gore navedenim Obavještenjem o nabavci, Komisija za javne nabavke Ministarstva je izvršila javno otvaranje prispjelih ponuda dana 09.06.2025. godine, sa početkom u 15:00 sati, u prostorijama Sjedišta Ministarstva unutrašnjih poslova Kantona Sarajevo.

Javnom otvaranju ponuda nisu prisustvovali predstavnici ponuđača, Zapisnik sa otvaranja ponuda je dostavljen ponuđačima u zakonskom roku.

Tendersku dokumentaciju preuzelo je jedanaest ponuđača.

U postupku nabavke postavljeno je jedno pitanje na koje je odgovoreno u zakonskom roku.

U krajnjem roku za dostavu ponuda prema Obavještenju o nabavci, dostavljene su četiri ponude, i to:

- Asa Central osiguranje d.d. Sarajevo,
- Sarajevo osiguranje d.d. Sarajevo,
- Euroherc osiguranje d.d. Sarajevo i
- Croatia osiguranje d.d. Sarajevo, PJ Sarajevo.

Dostavljene ponude su blagovremene i imaju sljedeće vrijednosti:

- Asa Central osiguranje d.d. Sarajevo, u iznosu od 25.588,31 KM, bez PDV-a, bez popusta,
- Sarajevo osiguranje d.d. Sarajevo, u iznosu od 26.698,50 KM, bez PDV-a, bez popusta,
- Euroherc osiguranje d.d. Sarajevo, u iznosu od 13.924,57 KM, bez PDV-a, bez popusta i
- Croatia osiguranje d.d. Sarajevo, u iznosu od 25.703,74 KM, bez PDV-a, bez popusta.

Komisija je izvršila računsku kontrolu svih ponuda te su prilikom računske kontrole u ponudi ponuđača Asa Central osiguranje d.d. Sarajevo uočena neslaganja kada je u pitanju zbir odnosno ukupna vrijednost ponude za kasko osiguranje, a samim tim i konačne ponude na Obrascu za cijenu ponude.

Pismenim putem je ponuđač o istom obaviješten te je potvrdio korekciju računske greške.

Takođe prilikom računske kontrole u ponudi ponuđača Sarajevo osiguranje d.d Sarajevo uočena su neslaganja kada je u pitanju zbir odnosno ukupna vrijednost ponude za kasko osiguranje, a samim tim i konačne ponude na Obrascu za cijenu ponude.

Pismenim putem je ponuđač o istom obaviješten te je potvrdio korekciju računske greške.

Komisija je izvršila i kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponuda, potpis i ovjeru, te je izvršen pregled i provjera drugih dokumenata.

Konstatovano je da ponuđač Sarajevo osiguranje d.d Sarajevo nije dostavio dokaz po članu 46. Zakona o javnim nabavkama kako je traženo tačkom 16.2 Tenderske dokumentacije.

Naime, ponuđač je dostavio Rješenje Agencije za nadzor F BiH kojim se daje saglasnost na Odluku o samopridržaju a ne i odluku o samopridržaju što je traženo kao dokaz u istoj tački tenderske dokumentacije te stoga komisija smatra da ponuda ponuđača Sarajevo osiguranje d.d Sarajevo ne ispunjava kvalifikacione uslove postavljene u tački 16.2 tenderske dokumentacije te da ista iz tih razloga nije predmet daljeg učešća u postupku javne nabavke odnosno isti ponuđač je isključen iz daljeg učešća u postupku javne nabavke.

Kod ponuđača Euroherc osiguranje d.d Sarajevo, a osnovu člana 66. Zakona o javnim nabavkama ("Službeni glasnik BiH", broj 39/14, 59/22 i 50/24) ugovorni organ putem Komisije za javne nabavke Ministarstva unutrašnjih poslova Kantona Sarajevo u postupku Javne nabavke usluga osiguranja motornih vozila (obavezno i kasko) zahtjevao je pismeno obrazloženje neprirodno niske ponudene cijene u skladu sa članom 17. stav (7) i (8) Uputstva za pripremu modela tenderske dokumentacije i ponuda ("Službeni glasnik BiH", broj 39/14, 59/22 i 50/24).



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

Predmetno obrazloženje je dostavljeno dana 19.06.2025. godine aktom broj 253031564 i isto pored obrazloženja pravnog osnova i načina obračuna premije osiguranja od automobilske odgovornosti, premije kasko osiguranja cestovnih motornih vozila i vlastitom udjelu društva za osiguranje cestovnih vozila sadržava i sljedeće razloge ponude:

-Ponuda za kasko osiguranje je formirana na osnovu analize tržišta, izvršene procjene rizika, uzimajući u obzir obim traženog pokrića dostupne podatke o štetama u prethodnom periodu, dostupne informacije o zaštitnim uređajima na motornim vozilima te karakteristike vozila iz obrasca za cijenu ponude ugovornog organa.

Za preuzimanje rizika krađe motornog vozila uzeta je u obzir činjenica da su službena vozila MUP a KS parkirana na obezbjeđenom parkingu pod videonadzorom i stalnim čuvarom te su primjenjene niže tarifne stope za obračun premije. Takođe, isti naglašavaju da Ugovor o reosiguranju koji imaju zaključen sa Bosna Reosiguranjem d.d Sarajevo obezbjeđuje maksimalnu sigurnost isplate šteta za sve osigurane slučajeve uz korištenje kapaciteta finansijske snage i znanja nekih od vodećih svjetskih reosiguravajućih društava (munich, RE, Swiss RE) te da data ponuda ne odstupa od ostalih sprovedenih postupaka javnih nabavki ugovornih organa u posljednjoj godini dana sa istim ili sličnim motornim vozilima kao što su ugovorni organi: Ured za reviziju institucija FBIH, Centralna banka, Parlamantarna skupština FBIH, Fond za zaštitu okoliša.

Komisija je cijenila kompletno obrazloženje te je saglasna da je predmetno obrazloženje detaljno i jasno ukazalo na razloge zbog kojih je cijena ovog ponuđača znatno niža od cijene ostalih ponuđača.

Komisija je konstatovala da su u konačnici od ukupno pristigle četiri ponude, tri ponude formalno pravno ispravne i prihvatljive tako da su se stekli uslovi za zakazivanje e-aukcije.

Ponuda ponuđača Sarajevo osiguranje d.d Sarajevo nije formalno pravno ispravna, odnosno ponuda je ocijenjena kao nepravilna jer nije u skladu sa tenderskom dokumentacijom.

Nakon potvrde računske kontrole dostavljene prihvatljive ponude imaju sljedeće vrijednosti:

- Asa Central osuguranje d.d. Sarajevo, u iznosu od 28.836,61 KM, bez PDV-a, bez popusta,
- Euroherc osiguranje d.d. Sarajevo, u iznosu od 13.924,57 KM, bez PDV-a, bez popusta i
- Croatia osiguranje d.d. Sarajevo, u iznosu od 25.703,74 KM, bez PDV-a, bez popusta.

E-aukcija je zakazana za dan 26.06.2025 godine u 14:00 sati

Nakon što je okončan postupak e-aukcije, Komisija je izvršila analizu Izvještaja o toku i završetku e-aukcije te kanstatovala da konačna rang lista ponuđača izgleda ovako:

PONUĐAČ	Iznos ponude bez PDV-a (KM)	Rang
Euroherc osiguranje d.d. Sarajevo	13.924,57	1.
Croatia osiguranje d.d. Mostar, PJ Sarajevo	25.703,14	2.
Asa Central osiguranje d.d. Sarajevo	28.836,61	3.

Shodno utvrđenom činjeničnom stanju, a u skladu sa članom 70. Zakona o javnim nabavkama („Sl. glasnik BiH“ broj: 39/14, 59/22 i 50/24), Komisija jednoglasno daje preporuku ministru unutrašnjih poslova Kantona Sarajevo da u postupku javne nabavke usluga osiguranja motornih vozila (obavezno i kasko) za potrebe Ministarstva unutrašnjih poslova Kantona Sarajevo, donese odluku o dodjeli ugovora ponuđaču Euroherc osiguranje d.d. Sarajevo u iznosu od 13.924,57 KM bez PDV-a.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od deset dana od dana prijema Odluke o izboru, a u skladu sa članom 99. i 101. Zakona o javnim nabavkama.

Dostaviti:

1. Ponuđačima x4
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.

